







庶物類纂草屬卷之三十八目次

葵

葵

一名薺、廣雅
一名露葵、爾雅
一名滑菜、本草綱目一

名衛足、農政全書

葵

冬葵陶隱居云以秋種葵覆養經冬至春作子謂之
冬葵多入藥用至滑利能下石春葵子亦滑不堪餘
藥用根故是常葵爾葉尤冷利不可多食術家取此
葵子微炒令輝音畢熑音散著溼地遍踏之朝種暮生
遠不過宿又云取羊角馬蹄燒作灰散著於溼地遍
踏之卽生羅勒俗呼爲西王母菜食之益人生菜中
又有胡荽芸薹白芷邪蒿並不可多食大都服藥通
忌生菜爾佛家齋忌食薰渠不的知是何菜多言今

芸薹憎其臭矣。唐本注云：羅勒北人謂之蘭香避石，勒諱故也。又薰渠者婆羅門云：阿魏是言此草苗根似白芷，取根汁暴之如膠，或截根日乾益極臭。西國持呪人禁食之，常食中用之，云去臭氣。戎人重此，猶俗中貴胡椒巴入重負蠶等非芸薹也。嘉祐補註本草

冬葵子生少室山今處處有之。其子是秋種葵覆養經冬至春作子者謂之冬葵子。古方入藥用最多。苗葉作菜，更甘美，大抵性滑利，能宣導積壅。服丹石人尤相宜。煮汁單飲亦佳。仍利小腸，孕婦臨產煮葉。

食之則胎滑易產。暴乾葉及燒灰同作末主金瘡根主惡瘡。小兒吞錢，煮汁飲之立出。凡葵有數種，有蜀葵爾雅所謂朮古田切。戎葵者是也。郭璞云似葵華如槿華，戎蜀蓋其所自出。因以名之。花有五色，白者主療瘻及邪熱，陰乾末服之，午日取花，接手亦去瘻黃者主瘡癰，乾末水調塗之立愈。小花者名錦葵，功用更強。黃葵子主淋澀，又令婦人易產，又有熟葵，大莖小葉，紫黃色。吳人呼爲繁露，卽下品落葵爾雅所謂葵，繁露者是也。一名承露，俗呼曰胡燕脂子，可婦蒸葵。

人塗面及作口脂又有蕓葵似葵而葉小狀若藜有毛沴而啖之甚滑爾雅所謂蒂蕓葵是也亦名天葵葉主淋瀝熱結皆有功效故并載之

本草圖經

唐本注此卽常食者葵根也左傳能劖其足者是也

據此有數種多不入藥用

宋唐慎微證類本草

冬葵子葵菜子也四方皆有苗性滑利不益人患癰癧毒熱內攻未出膿者水呑三五枚遂作竅膿出

宋寇

宗奭本草衍義

葵菜古人種爲常食今之種者頗鮮有紫莖白莖二

種以白莖爲勝大葉小花花紫黃色其最小者名鵝腳葵其實大如指頂皮薄而扁實內子輕虛如榆莢仁四五月種者可留子六七月種者爲秋葵八九月種者爲冬葵經年收採正月復種者爲春葵然宿根至春亦生按王禎農書云葵陽草也其菜易生郊野甚多不抱肥瘠地皆有之爲百菜之主備四時之饌本豐而耐旱味甘而無毒可防荒儉可以菹腊其枯柄可以搗簇根子又能療疾咸無遺棄誠蔬茹之要品民生之資益者也而今人不復食之亦無種者

明李

東壁本

按唐王壽外臺祕要云天行斑瘡須臾遍身皆戴白漿此惡毒氣也高宗永徽四年此瘡自西域東流於海內但煮葵菜葉以蒜薑啖之則止又聖惠方亦云小兒發斑用生葵菜葉絞汁少少與服散惡毒氣按此卽今痘瘡也今之治者惟恐其大小二便頻數洩其元氣痘不起發葵菜滑竅能利二便似不相宜而昔人賴之豈古今運氣不同故治法亦隨時變易與

上同

別錄曰葵生少室山中今郊野園圃不拘肥瘠地都
有四時可以子種宿根亦再發秋淡布子覆養經冬
者曰冬葵入藥最良苗葉作菜茹甚甘美內經云脾
之菜也又云葵爲百菜主味尤甘滑故爲馬踐其子
雖經年不過宿實如指頂皮薄而扁實內子輕虛如榆
莢仁搗必待露解收必待霜降晚則黃爛早則黑澁
其莖挺生莖疎葉密傾向太陽而不照其根其萼翠
其花艷花具五色間色單瓣千瓣王禎農書云本豐

耐旱可防荒儉以作菹腊枯梗可以搗簇根子又能療疾咸無遺棄誠蔬茹之要品民生之資益也種類亦多有露葵兔葵黃葵錦葵蜀葵皆有功用入藥者只宜蜀葵今市肆一種充冬葵子者氣味濁惡色淡褐質沈重形如橘核服之令人腸滑且損脾傷胃也

明倪朱謨本草彙言

謹按葵菜與蜀葵不同此以蜀葵花爲葵菜誤也葵廣雅曰蘿丘葵也說文葵菜也按爾雅翼云葵揆言其性也○賈思勰曰有紫莖白莖二種二種別有大之殊又鴨脚葵○天有三十日葵與終始故葵從葵陽草也其性易生不拘肥瘠地皆有之○王禎曰葵爲百菜之主備四時之饌本豐而耐旱味甘而無毒供食之餘可爲菹腊枯梗之遺可爲搗簇子若根則能療疾咸無棄材誠蔬茹之上品民生之資助也○另有蜀葵菟葵龍葵蕪葵附後○明徐光啓農政全書

齊民要術種法臨種時必燥曝葵子葵子雖一經歲不而不肥也玄扈先生曰地不厭良故墟彌善薄卽糞而種皆然不獨葵也之不宜妄種春必畦種水澆畦者省地而菜多一畦之不可以用大則水難均又澆掘以熟糞供一畦長兩步廣一步不用入足入

對半和土，覆其上。令厚一寸，鐵齒耙穀之，令熟足蹋使堅平。下水徹澤，水盡下葵子。又以熟糞和土，覆其上。令厚一寸餘。葵生三葉，然後澆之。澆用晨夕，日中便止。每一下稻，輒杷穀地，令起下水，加糞三摺，更種。一年之中，凡得三輩。凡畦一種之物，治畦皆如早種者。必秋耕十月，末地將凍，散子勞之。一畝三分正月，人足踐踏之。乃佳。菜肥者，地釋節生鋤，不厭數。五月之初，更種之。春者既落，未生故種。此相接六月一日，種白莖秋葵。白莖者，宜乾紫莖者，乾即黑而澀。秋葵堪食，仍畱五月種者，取子。春葵子熟，不均於此，故須畱地中輩。

時附地翦，卻春葵冷根，上柄生者，柔軟至好，仍供常食。美于秋菜，搗秋菜必畱五六葉。葉多則科大，不搗則莖孤。畱凡，搗必待露解，誘可觸露不搗。八月半翦去。畱其坡多者，則去地可去地四、五寸。柄生肥嫩，比至收時高與人膝等。莖葉皆美，科雖不高，菜實倍多。其不翦早生者，雖高，中食所可用者，惟有葉心附葉黃澀者。數一尺，柯葉堅硬，全不至惡。煮亦不美，看雖似多，其實倍少。收待霜降，傷早，傷晚，黑澀。楊簇皆須陰中，見日，亦澀。其碎者，割訖即地中尋手糾之。待萎而糾者，必爛。○同上。

又種冬葵法。九月收菜後，即耕，至十月半，令得三遍。

每耕卽勞以鐵齒耙穀去陳根使地極熟令如麻地于中逐常穿井十口井必相當邪角則妨地地形狹作兩三行長者井必作一行地形正方者亦不嫌也井別作桔槔轆轤井深用轆轤井淺用桔槔柳罐令受一石罐小用則功費十月末地將凍漫散子惟穠爲佳子六升散訖卽再勞有雪勿令從風飛去勞雪令地保每雪輒一勞之若令冬無雪臘月中汲井水普勞澆悉令徹澤有雪則不荒玄扈先生曰無草木不待一雪無雪悉宜澆凡草木冬植者皆以乾不以寒也正月地釋驅踏破地皮不踏即枯涸春煖草生葵亦俱生三月初葉大如錢逐穠處拔者賣生十手拔乃禁取兒女

子七歲已上一升葵還得一升米日日常投看稀稠皆得充事也得所乃止有草拔卻不得用鋤自四月八日以後則日日翦賣其翦處尋以手拌斫斷地令其起水澆糞覆之四月亢旱不澆則不長有雨則不須四月以前雖旱亦不須澆地實保澤雪勢盡故也比及翦遍初者還復周而復始日日無窮至八月社日止畠作秋菜九月指地責收訖卽急耕依去年法三十畝勝作十頃穀田止須一乘車牛專供此園耕勞賣菜終歲不閒若糞不可得者五六月中穠種菜豆至七月八月犁掩殺之如以糞糞田則良美與糞不殊又省

功力其井間之田犁不及者可畦以種諸菜○同上

崔寔曰正月可作種瓜瓠葵芥蘿大小葱蒜苜蓿及雜蒜亦種此二物皆不如秋六月六日可種葵中伏後可種冬葵九月作葵菹乾葵同

家政法曰正月種葵同

農桑通訣曰春宜畦種種宜散種然夏秋皆可種也

詩曰七月烹葵此種之早者俗呼爲秋葵遲者爲冬葵又曰六月六日種葵中伏以後可種冬葵時有先後爲之在入宿根在地春生嫩葉亦可採食前金人

以韭蓼汁併雞肉和食謂之冷羹最爲上饌同

莖葉叢茂時方可刈嫩惟採擷之耳杜詩云刈葵莫放手放手傷葵根蓋傷根則不生同

葵花乾入炭墼內引火耐燒葵葉可染紙所謂葵箋也同

冬葵菜本草冬葵子是秋種葵覆養經冬至春結子故謂冬葵子生少室山今處處有之苗高二三尺莖及花葉似蜀葵而差小子及根俱味甘性寒無毒黃芩爲之使根解蜀椒毒葉味甘性滑利爲百菜主其

心傷入救飢採葉燂熟水浸淘淨油鹽調食服丹石人尤宜食至天行病後食之

熱食亦令人熱悶

動風同上

菽園雜記云常見一士人家葵軒卷中記序題詠皆形狀今蜀葵花蓋不知傾陽衛足自是冬葵可食者詩七月烹葵及菽公儀休拔園葵是也明周文華歸葵也魏張揖廣雅

謹按齊民要術農政全書竝引廣雅作歸丘葵也陳葵子微火炒令爆咤散著溼地遍蹋之朝種暮生

遠不過經宿耳

晉張華博物志

陳葵子秋種覆蓋令經冬不死春有子也

周日用愚聞熟地

植生菜蘭將石流黃節于其上以盆覆之即時可待又以變白牡丹爲五色皆以沃其根以紫草汁則變紫紅花汁則變紅茲未試于理可爲此出爾雅○同上

文仲陶氏云天行發斑瘡須臾遍身皆戴白漿此惡毒氣方云永徽四年此瘡從西域東流于海內但煮葵菜葉蒜薹啖之則止鮮羊血入口亦止初患急食之少飯下菜亦得唐王燾外臺祕要方

葵之類多爾雅曰朞戎葵卽蜀葵一名朞又曰菽妣

蘇注云荊葵也一名菽一名妣妣又曰蒸葵繫露注云落葵也一名承露一名藤葵一名胡燕脂蔓生繞籬落葉圓而厚子如豆生青熟黑接之則色紫女人以漬粉傅顏爲假色又有龍葵一名苦葵葉圓似排風而無毛宋鄭夾漈昆蟲草木略

齊民要術曰今世葵有紫莖白莖二種春必畦種水澆而冬種者有雪勿令從風飛去每雪輒一勞之勞雪令地保澤葉又不蟲搘必待露解收必待霜降傷晚則黃爛傷早則黑澀也詩曰七月烹葵及菽卽此

是也左傳曰鮑莊子之知不及葵葵猶能衛其足今葵心隨日光所轉輒低覆其根似知孔子曰禾生穗向根不忘本也蓋禾之向根仁也葵之衛足知也仁所以守之知所以揆之故葵揆也字說曰草也能揆日嚮焉故又訓揆本草曰葵爲百菜之主豈亦以此乎宋陸佃埤雅

葵爲百菜之主味尤甘滑魯漆室之女葵爲馬蹠知憂及國公儀休相魯食於舍而茹葵慍而拔之不欲棄園夫之利葵有赤莖白莖復有大小之異又有鴨

脚葵。葵子雖經歲不浥，微炒令輝。畢音炸_セ完散_{シテ}著溼地遍踏之朝種暮生，遠不過宿。早種者十月末地將凍，散子勞之正月末亦可。五月初更種之以春者既老，秋菜未生種此相接。六月一日種白莖，秋葵白莖者宜乾，九月作葵道乾葵，蓋葵一歲凡得三輩。士虞禮夏秋用生葵，冬春用乾莖，皆滑物道家之法。十日一食葵菜，所以調和五臟。古者葵稱露葵，又終葵，一名繁露。今摘葵必待露解，語曰觸露不搗葵，日中不翦韭，各有宜也。又葵性向日，孔子以比鮑莊子智不如。

葵。葵猶能嚮其足。曹植曰：若葵藿之傾葉太陽，雖不爲回光，然向之者誠也。淮南曰：聖人之於道，猶葵之與日也，雖不能以終始哉？其鄉之誠也。夫天有十二日，葵與之終始，故葵从癸說文云揆葵也，卽所謂揆之以日者。宋羅願爾雅翼

葵似今蜀葵花短而葉大以傾陽，故性溫，其法與壺菜同。豳風九月所煮者是也。刈之不傷其根，則復生。古詩云：故有菜葵莫傷根，不生之旬。昔公儀休相魯，其妻植葵，見而拔之曰：食君之祿者又不止植葵，小

民豈可活哉。白居易云：祿米甕牙稻園蔬鴨腳葵，因名宋林洪山。

葵菜比

至

蜀葵叢短而葉大性溫採葉與作菜羹同法食野穀品

明高濂

葵子、葵菜子也。本出川蜀故一名蜀葵爾雅謂之胥以^二其子^一秋種^一覆養^一經冬^一至春^一開花^一結子^一者謂之冬葵子。其葉可作茹故名葵菜花似槿有五色皆可入藥江南園圃處處有之採冬子陰乾黃芩爲之使餘說本草不載明許奇周

謹按藥性奇方別又載蜀葵花云此與冬葵子同類但冬種者則稍異耳此說皆誤也冬葵與蜀葵不同蜀葵花可愛冬葵則花不足以觀也。

葵以名者蜀葵卽戎葵也楚葵水芹也見說文吳卽苦菜也王冰素問注引用月令苦菜秀作吳葵華水葵蕁也澤葵莓苔也鮑照蕪城賦澤葵依井錦葵花名詩所謂視爾如荳也冬葵菜名今之滑菜也又名露葵葵繁露也見爾雅名承露可以染俗名胡燕脂又名染絳子龍葵似吳葵而小菟葵蕎也

一名天葵。劉禹錫所謂菟葵燕麥是也。蒲葵木名櫟樹也。鳬葵、荇也。一名四葉菜。防葵藥名。地葵、地膚也。卽今掃帚苗。廣雅丘葵歸也。又名鴨腳。明楊升菴文集。

葵甘滑爲百菜主。左傳葵猶能衛其足以下葵心隨日光所轉。輒低覆其根。曹子建曰。若葵藿之傾葉太陽雖不爲回光向之者誠也。淮南曰。天有十日葵與之終始。○古詩辟彼後園葵有葉待秋霜。海澄縣志。

葵一名甜菜。一名女菜。一名滑菜。一名莙荙。蓋百菜之主也。四時可種爲蔬。秋種者更佳。故冬葵子尤爲

藥品所尚。嘗閱本草綱目。李氏開載葵菜療痘之功。萬不失一。而歷代流傳。疑信相貿。遂從菜部改入草部。且因葵性寒滑。恐傷脾胃。不敢輕試。遂令對病妙藥棄置不用。而惡毒流染。坐致瘡頓。心甚傷之。久有此疑。無從辨識。十數年間。廣詢博訪。乃知爲甜菜。無疑。問童稚。餌之雖無傷害。而功效未顯。未敢輕傳。比年以來。數經此症。盛行。見不治者十有八九。而嘗食此菜者。百無一失。乃知相傳之訛。致神功之久。湮也。可勝慨哉。方敢形之。諸君以廣其傳。嗟乎。因慎重。

而坐令陸沈，因未廣而猶然胥溺。失今不傳，後悔奚及。乃開列其方，以公諸天下。後世蓋其寒滑者性也，洩利者毒也。與脾胃根本何與？且未病而先藥，病受之病去。本完最爲上策。卽見點而後食，猶將收大半之效。不下猶愈於坐觀薪盡者乎？又豈若俗醫見危迫輒進芩連、慘均割刃者乎？噫是在信不信，試不試之間耳。安敢以入命爲等閑，而冀其術之必售乎？其法采此菜熟之以供蔬食，愈久愈佳。余所爲懇懃歎歎，祈人之必信必傳者，聊以追逋慢之愆，而爲不可復。

生者志痛耳。余何慕焉？天啓乙丑歲三月吉旦，慈溪

松槃山人姜應麟筆記

附葵菜治痘神方○嬰童百問

謹按葵菜一名滑菜，甜菜一名莙荙，本是兩種也。姜氏併爲一物誤也。第不知其所指爲有神功之妙者，果是葵菜歟？抑亦爲甜菜歟？

葵子向日葵也

清張璐醫通

庶物類纂草屬卷之三十九目次

龍葵

龍珠

續斷

萹蓄

桃朱術

螺麌兒

龍葵

一名苦菜

唐本草

一名苦葵

本草圖經

一名老鴉眼

睛草

同上

一名天茄子

同上

一名水茄

本草綱目

一名

天泡草

同上

一名老鴉酸漿草

同上

一名鴉眼睛

農政全書

俗名哥柰思肥

龍葵

龍葵唐本注云卽關河間謂之苦菜者葉圓花白子若牛李子生青熟黑但堪煮食不任生噉唐本臣禹錫等謹按藥性論云龍葵臣能明目輕身子甚良其赤珠者名龍珠服之變白今黑耐老若能生食得苦者不食他菜十日後則有靈異不與葱薤同噉孟詭云其味苦皆採去汁食之嘉祐補註本草

龍葵舊云所在有之今近處亦稀惟北方有之北人謂之苦葵葉圓似排風而無毛花白實若牛李子生

青熟黑亦似排風子但堪煮食不任生啖其實赤者名赤珠服之變白今黑不與葱薤同食根亦入藥用今醫以治發背癰疽成瘡者其方龍葵根一兩剉麝香一分研先擣龍葵根羅爲末入麝香研令勻塗於瘡上甚善

本草圖經

老鴟眼睛草生江湖間味甘性溫無毒治風補益男子元氣婦人敗血七月採子其葉入醋細研治小兒火燔丹消赤腫其根與木通胡荽煎湯服通利小便葉如茄子葉故名天茄子或云卽漆姑草也漆姑卽

蜀羊泉已見本經人亦不能決識之

同上

龍葵言其性滑如葵也苦以菜味名茄以葉形名天泡老鴟眼睛皆以子形名也與酸漿相類故加老鴟以別之五爪龍亦名老鴟眼睛草敗醬苦苣並名苦菜名同物異也

明李東壁本草綱目

龍葵龍珠一類二種也皆處處有之四月生苗嫩時可食柔滑漸高二三尺莖大如筋似燈籠草而無毛葉似茄葉而小五月以後開小白花五出黃蕊結子正圓大如五味子上有小蒂數顆同綴其味酸中有

細子亦如茄子之子但生青熟黑者爲龍葵生青熟赤者爲龍珠功用亦相彷彿不甚遼遠蘇頌圖經菜部既註龍葵復於外類重出老鴉眼睛草蓋不知其卽一物也又謂老鴉眼睛是蜀羊泉誤矣蜀羊泉葉似菊開紫花子類枸杞詳見草部本條楊慎丹鉛錄謂龍葵卽吳葵反指本草爲誤引素問千金四月吳葵莖爲證蓋不知千金方言吳葵卽蜀葵已自明白矣今並正之

同上

龍葵釋名曰苦葵一名苦菜一名天泡草一名鴉眼睛一名酸漿草○陶弘景云益州

有苦菜乃是苦蕷卽龍葵也○蘇頌曰葉如茄子葉故一名天茄子○明徐光啟農政全書

蘇葵曰龍葵所在有之俗名苦菜然非茶也葉圓花白子若牛李子生青熟黑但堪煮食不任生歟

同上

李時珍曰龍葵龍珠一類二種也處處有之四月生嫩苗時可食柔滑漸高二三尺莖大如筋似燈籠草而無毛五月後開小白花結子味酸亦可食

同上

禾茄苗兒生田野中苗高二尺許莖有線楞葉似姑娘草葉而大又似和尚菜葉卻小開五瓣小白花結子似野葡萄大紫黑色味甜救飢採嫩葉燂熟水浸

去邪味，淘淨油鹽調食。其子熟時亦可摘食。治病今人傳說採葉傳貼腫毒金瘡拔毒。

關中有天茄可治蠍毒。明謝肇淛五雜組

天茄兒葉俗名老鴉眼睛草。明王守仁重修江府志

證治準繩

龍葵俗呼老鴉眼睛草。

龍珠

一名赤珠

本草圖經

俗名耶埋復烏紫已

加賀州

龍珠

龍葵其赤珠者名龍珠服之變白令黑耐老

嘉祐補註本草

龍葵其實赤者名赤珠服之變白令黑不與葱薤同

食本草圖經

龍珠味苦寒無毒子主丁腫葉變白髮令人不睡李
邕方云主諸熱毒石氣發動調中解煩生道傷子圓
赤珠似龍葵但子熟時赤耳

陳藏器餘○宋唐慎微證類本草

龍葵龍珠一類二種也皆處處有之四月生苗嫩時
可食柔滑漸高二三尺莖大如筋似燈籠草而無毛

葉似茄葉而小五月以後開小白花五出黃蕊結子正圓大如五味子上有小蒂數顆同綴其味酸中有細子亦如茄子之子但生青熟黑者爲龍葵生青熟赤者爲龍珠功用亦相彷彿不甚遼遠明李東壁本草綱目龍珠龍葵雖以子之黑赤分別其實一物二色強分爲二也同上

續斷

一名龍豆神農本草一名屬折同上一名接骨名醫別錄一名南草同上一名槐同上

俗名和獨里索烏

續斷

續斷陶隱居云按桐君藥錄云續斷生蔓延葉細莖如荳大根本黃白有汁七月八月採根今皆用莖葉節節斷皮黃皴狀如鷄腳者又呼爲桑上寄生恐皆非真時人又有接骨樹高丈餘許葉似蒴音瞿瞿皮主療金瘡有此接骨名疑或是而廣州又有藤一名續斷一名諾藤斷其莖器承其汁飲之療虛損絕傷用沐頭又長髮折枝挿地卽生恐此又相類李云是虎薊與此大乖而虎薊亦自療血爾唐本注云此藥

所在山谷皆有今俗用者是葉似苧而莖方根如大
薊黃白色陶注者非也臣禹錫等謹按蜀本圖經云
葉似苧莖方兩葉對花紅白色根如大薊一株有五

六枝

嘉祐補註本草

續斷生常山山谷今陝西河中興元府舒越晉州亦
有之三月已後生苗蘇四稜似苧麻葉亦類之兩兩
相對而生四月開花紅白色似益母花根如大薊赤
黃色七月八月採謹按范汪方云續斷卽是馬薊與
小薊葉相似但大於小薊耳葉似秀翁菜而小厚兩

邊有刺刺入其花紫色與今越州生者相類而市之
貨者亦有數種少能辨其麤良醫人用之但以節節
斷皮黃皺者爲真本草圖經

續斷之說不一桐君言是蔓生葉似葍李當之范汪
竝言是虎薊日華子言是大薊一名山牛蒡蘇恭蘇
頌皆言葉似苧麻根似大薊而名醫別錄復出大小
薊條頗難依據但自漢以來皆以大薊爲續斷相承
久矣究其實則二蘇所云似下與桐君相符當以爲正
今人所用以下川中來色赤而瘦折之有煙塵起者爲

良焉。鄭樵通志謂范汪所說者乃南續斷不知何據。

蓋以別川續斷耳。

明李東壁本草綱目

續斷曰龍豆曰屬折曰接骨曰南草曰槐曰大薊曰馬薊蜀本圖經云莖方葉似苧花似益母根如大薊此北續斷也范汪云卽馬薊也與小薊相似葉如蕎翁菜兩邊有刺花紫會稽者正爾此南續斷也。

宋鄭夾深

昆蟲草本略

續斷葉似苧方莖根如大薊有蟲亦有此名。

重修靖江縣志

之頤又曰大薊與續斷同類續斷生西川大薊生南

地形質功用因方土而有差別。

清劉若金本草述

愚按續斷在昔相承謂卽是大薊而盧氏又言產於川者爲續斷南中產者是大薊唯因其地以別形質功用雖然據形質薊與續斷其莖葉大有差別時珍之致疑也良是但據其功用有相近者是昔人謂卽是大薊之故歟在之頤亦因此而強作解數上

篇蓄

一名竹

爾雅

一名篇竹

陶隱居註

一名扁築

說文

一名

扁辨

本草綱目

一名扁蔓

同上

一名粉節草

同上

一名

道生草

上同

俗名密地也柰氣

陸奥州

篇蓄

竹篇蓄

爾雅○篇
匹善切

似小藜赤莖節好生道傍可食又殺蟲

晉郭璞
爾雅註

李巡曰一物二名也孫炎某氏引詩衛風云菉竹猗猗郭云似小藜赤莖節好生道傍可食又殺蟲案陶隱居本草註云處處有布地而生節間白華葉細綠人謂之篇竹煮汁與小兒飲療蛻蟲是也

宋邢昺
爾雅疏

夾漈鄭

竹篇蓄卽篇竹也衛風云菉竹猗猗篇匹善反

宋
夾漈鄭

爾雅
註

篇蓄陶隱居云處處有布地生花節間白葉細綠人亦呼爲篇竹煮汁與小兒飲療蛇蟲有驗臣禹錫等謹按蜀本圖經云葉如竹莖有節細如釵股生下溼地今所在有二月八月採苗日乾爾雅云竹篇蓄釋云李巡云一物二名也孫炎引詩衛風云葵竹猗猗郭云似小藜赤莖節好生道傍可食又殺蟲陶注本草謂之篇竹是也

嘉祐補注本草

篇蓄亦名篇竹出東萊山谷今在處有之春中布地生道傍苗似瞿麥葉細綠如竹赤莖如釵股節間花

出甚細微青黃色根如蒿根四月五月採苗陰乾謹按爾雅云竹篇蓄郭璞注云似小藜赤莖節好生道傍可食又殺蟲衛詩綠竹猗猗說者曰綠王芻也竹篇竹也卽謂此篇蓄也方書亦單用治蟲葛洪小兒蛇方煮汁令濃飲之卽差

本草圖經

篇蓄許慎說文作扁筭與竹同音節閒有粉多生道旁故方士呼爲粉節草道生草

明李東壁本草綱目

篇蓄其葉似落帚葉而不尖弱莖引蔓促節三月開細紅花如蓼藍花結細子爐火家燒灰煉霜用一種

水扁筑名藩音督出說文同

篇蓄亦名篇竹生東萊山谷今在處有之布地生道傍苗似石竹葉微闊嫩綠如竹赤莖如銖股節間花出甚細淡桃紅色結小細子根如蒿根苗葉味苦性平一云味甘無毒救飢採苗葉爛熟水浸淘淨油鹽

調食明徐光啓農政全書

竹篇蓄似小藜赤莖節好生道傍可食又謂之篇竹蜀本圖經云葉如竹莖有節細如銖股生下溼地其微既似竹則宜謂之竹爾衛風綠竹猗猗蓋謂此陸

璣草木疏云綠竹一草名其莖葉似竹青綠色高數尺今淇澳旁生此色青言爲綠竹按璣所說則又令綠與竹爲一草未知其審然古今說者皆言淇水旁自生竹箭故古人言伐竹淇衛又曰淇衛之箭又曰下淇園之竹以爲捷伐淇園之竹以爲矢如此多矣蓋淇水宜竹箭自古以然又詩平章曰綠竹如簜簜牀第以竹爲之其大堪爲簜則非草也然說文引詩作菉竹韓詩作綠藩菉既非色而藩又非竹不可合爲綠色之竹箭故析而解之云菉王芻藩篇筑也又

韓詩如蕡乃作如蕡，蕡積也。薛君云：蕡，綠葦盛如積也。西京賦芳草如積，亦祖此義。然則淇奥自出竹箭，不妨兼有菉竹二草邪？

宋羅願爾雅翼

毛公解衛詩淇奥分綠竹爲二物。曰綠王芻也。竹篇竹也。韓詩竹字作蕩。音徒沃反。亦以爲篇竹。郭璞云王芻今呼白腳莎。卽菉蓐草也。篇竹似小藜。赤莖節好生道旁。可食。又云有草似竹。高五六尺。淇水側人謂之菉竹。按此諸說皆北人不見竹之語耳。漢書下淇園之竹以爲捷寇。恂爲河內太守。伐淇園竹爲矢。

百餘萬。衛詩又有籧籧竹竿以釣于淇之句。所謂綠竹豈不明甚？若白腳莎菉蓐安得云猗猗青青哉？

宋洪邁容齋隨筆

謹按洪氏此說可以破諸說之紛紛。

詩衛淇澳篇云：綠竹猗猗。按陸璣草木疏稱郭璞云：綠竹王芻也。今呼爲白腳蘋。成云卽鹿葦草。又云篇竹似小藜。赤莖節。韓詩作蕩。蕩音篤亦云蕩篇竹。則明知非筍竹矣。今爲辭賦皆引猗猗入竹事大誤也。當時謝莊竹贊云：瞻彼中唐。綠竹猗猗。便襲其謬殊乖爾。

按謝贊若佳何不預文選所以爲昭明之棄也故盡引陸郭之注疏云陸璣字從玉旁非士衡也愚宗人

大著作祝嘗有顯論今祕閣西南廊新碑古人姓名若此參誤多矣故愚撰十四代蠲疑史自以別白也

宋李濟翁
資暇錄

篇蓄春中布地生莖節赤葉細綠如竹花亦甚細青黃色好生道傍可食

八閩通志

篇蓄一名篇竹

寧波府志

篇蓄節間有粉多生道傍服之殺蟲

重修靖江縣志

篇蓄覈曰出東萊山谷所在有乏春仲蔓延布地好生道旁苗似瞿麥弱莖促節節紫赤似釵股葉細綠似筆竹節間出花甚細微青黃或淡紅色似蓼藍花狀遂結細實根似蒿爾雅所謂王芻也

按詩小雅終集傳綠王芻也

清劉若金本草述

俗名理莫打賴傑

桃朱術

桃朱術

桃朱術取子帶之令婦人爲夫所愛生園中細如芹花紫子作角以鏡向旁敲之則子自發五月五日收之也

唐陳藏器本草拾遺

桃朱術細如芹花紫子作角以鏡向旁敲之則子自發婦人帶之與夫相和五月收

明王蓋臣二如亭羣芳譜

螺鱉兒

一名地桑

農政全書

一名刺見草

上同

螺鱉兒

螺鱉兒、一名地桑、又名痴見草、生荒野中、莖微紅葉似野人覓葉微長窄而尖開花作赤色小細穗兒其葉味甘、秋飢採苗葉燂熟水浸淘去邪味油鹽調食治病今人傳說治痢疾採苗用水煮服甚効明徐光啓農政

全書

庶物類纂草屬卷之四十目次

茺蔚

蕪菜

馬鞭草

鬼釵草

茺蔚

一名萑

爾雅

一名蕘

同上

一名臭穢草

毛詩草木鳥獸蟲魚

疏一名益母

神農本草

一名益明

同上

一名大札

同上

一名貞蔚

名醫別錄

一名鬱臭草

本草圖經

一名苦低

草同上

一名野天麻

本草綱目

一名豬麻

同上

澹外臺秘要

一名夏枯草

本草綱目

一名土質汗

近効一方

一名天麻

胤全書

一名千層塔

醫宗粹言

一名火杖

寶產

一名返魂丹

儋州志

一名赤箭

溫州府志

茺蔚

堇、蕘爾雅○堇音佳蕘他回切

今茺蔚也、葉似堇、方莖白華、華生節間、又名益母、廣雅云

晉郭璞
爾雅註

堇一名蕘、李巡曰臭穢草也、郭云今茺蔚也、廣雅名益母、葉似堇、方莖白華、華生節間、詩王風云中谷有蕘、陸璣云舊說及魏博士濟陰周元明皆云菴藺是也、韓詩及三蒼說悉云益母故曾子見益母而感案本草茺蔚一名益母故劉歆曰蕘臭穢卽茺蔚也、宋邢

葛昌爾雅疏

葛音佳蓴也。他回反益母也。俚呼益母草。一名茺蔚。

宋鄭夾漈爾雅註

茺蔚子陶隱居云。今處處有葉如荏。方莖。子形細長三稜。方用亦稀。唐本注云。擣茺蔚莖。傳丁腫服汁。使丁腫毒內消。又下子死腹中。主產後血脹悶諸雜毒腫丹油等腫。取汁如豆滴耳中。主聰耳中虺蛇毒。傳之良。今按陳藏器本草云。此草田野間人呼爲鬱臭草。本功外。苗子入面藥令人光澤。亦擣苗傳乳癰惡。

腫痛者。又擣苗絞汁服。主浮腫下水。兼惡毒腫。又按別本注云。其子狀如菥蓂子而稍麤大。微有陳氣。作煎及擣絞。取汁服之。下死胎也。臣禹錫等謹按爾雅釋草注云。萑蕘今茺蔚也。葉似荏。方莖。白華。華生節間。又名益母。疏引劉歆曰。莊臯穢卽茺蔚也。日華子云。治產後血脹。苗葉同功。乃益母草子也。節節生花。如雞冠子黑色。九月採。

嘉祐補注本草

茺蔚子生海濱池澤。今處處有之。謹按毛詩云。中谷有蓴。他回爾雅云。萑佳音。郭璞云。今茺蔚也。葉似荏。方

莖白華華生節間陸璣云韓詩及三蒼皆云蕘益母也故曾子見之感恩劉歆亦謂蕘臭穢臭穢卽茺蔚也今園圃及田野見者極多形色皆如郭說而苗葉上節節生花實似雞冠子黑色莖作四方稜五月採又云九月採實醫方中稀見用實者唐天后鍊益母草澤面法五月五日採根苗具者勿令著土暴乾搗羅以水和之令極熟團之如雞子大再暴仍作一鑪四傍開竅上下置火安藥中央大火燒一炊久卽去太火留小火養之勿令絕經一復時出之甕器中研

治篩再研二日收之使如潔豆法廣濟方療小兒疳痢困垂死者取益母草煮食之取足差止甚佳韋丹治女子因熱病胎死腹中擣此草并苗令熟以少許煖水和絞取汁頓服良又主難產擣取汁七大合煎半頓服立下無新者以乾者一大握水七合煎服又名鬱臭草又名苦低草亦主馬齧細切此草和醋炒傳之良

本草圖經

茺蔚子葉至初春亦可煮作菜食凌冬不凋悴唐武后九燒此灰入緊面藥九燒之義已具冬灰條下宋

宗奭本草衍義

茺蔚此草及子皆茺盛密蔚故名茺蔚其功宜于婦人及明目益精故有益母之稱其莖方類麻故謂之野天麻俗呼爲豬麻豬喜食之也夏至後即枯故亦有夏枯之名近効方謂之土質汗林億云質汗出西番乃熱血合諸藥煎成治金瘡折傷益母亦可作煎治折傷故名爲土質汗也禹錫曰爾雅荏蕘注云今茺蔚也又名益母劉歆云蕘臭穢也卽茺蔚也陸璣云蕘益母也故曾子見之感思明李東壁

茺蔚近水溼處甚繁春初生苗如嫩蒿入夏長三四尺莖方如黃麻莖其葉如艾葉而背青一梗三葉葉有尖岐寸許一節節生穗叢簇抱莖四五月間穗內開小花紅紫色亦有微白色者每萼內有細子四粒粒大如荀蒿子有二稜褐色藥肆往往以作巨勝子貨之其草生時有臭氣夏至後即枯其根白色蘇頌圖經謂其葉似荏其子黑色似雞冠子九月采實寇宗奭衍義謂其凌冬不凋者皆誤傳也此草有白花紫花二種莖葉子穗皆一樣但白者能入氣分紅者

能入血分別而用之可也。按閨閣事宜云白花者爲益母。紫花者爲野天麻。返魂丹註云紫花者爲益母。白花者不是陳藏器本草云。茺蔚生田野間人呼爲臭草。天麻生平澤似馬鞭草節節生紫花花中有子如青葙子遜思邈千金方云天麻草莖如火麻冬生苗夏著赤花如鼠尾花此皆似以茺蔚天麻爲一物。蓋不知其是一物二種。凡物花皆有赤白牡丹芍藥菊花之類是矣。又按郭璞爾雅註云。蕘音推卽茺蔚。又名益母葉似荳白華華生節間。又云蕘音推方莖葉長。

而銳有穗穗間有花紫縹色可以爲飲江東呼爲牛
蕘據此則是蕘蕘名本相同但以花色分別之其爲
一物無疑矣。宋人重修本草以天麻草誤註天麻尤
爲謬矣。陳藏器本草又有鑿菜云生江南陰地似益
母方莖對節白花主產後血病此卽茺蔚之白花者
故其功主血病亦相同上同

鬱臭苗本草茺蔚子是也一名益母一名益明一名
大札一名貞蔚皆云蕘音推益母也亦謂蕘臭穢生海
濱池澤今田野處處有之葉似荳子葉又似艾葉而

薄小色青莖方節節開小白花結子黑茶褐色三稜細長味辛甘微溫一云微寒無毒救飢採苗葉燂熟水浸淘淨油鹽調食

明徐光啓農政全書

蕘似荊方莖白華華生節間舊說及魏博士濟陰周元明皆云菴蕘是也韓詩及三蒼說苑云蕘益母也故曾子見益母而感按本草云茺蔚一名益母故劉歆曰蕘臭穢卽茺蔚也

唐陸璣毛詩草木鳥獸蟲魚疏

益母草一名野天麻一名茺蔚子主治婦人胎前產後一切諸疾四五月開紅紫花者宜入藥白花者不

用其狀類夏枯草丹溪本草云夏枯無臭味益母有臭味明是兩種俱生於春但夏枯草不生子交夏至則枯蓋稟純陽之氣得陰則枯故曰夏枯草益母後枯而結黑子採藥者宜明白收用庶不誤人外臺祕要雖云名書以益母草謂夏枯草其亦謬矣

明俞弁續醫說

赤箭卽野天麻葉似艾葉開紫花如紅蓼花子名茺蔚子又名益母草又名大札又名貞蔚又名負擔

明王治隼繩

天麻卽益母草六月間帶根花葉採曬乾不以多少

明王守堂
亂產全書

益母草卽野天麻一名千層塔方梗紫紅花白者不是

考 羅周彥
醫宗辨言

益母草卽茺蔚也爾雅謂之茺蔚詩曰中谷有蓷是也此草治產之功多故名益母曾子見而思母蓋感此也又唐武后鍊益母以澤面今所在皆有之出鹿邑者佳

明慎懋官華
夷花木考

廣雅以龍眼爲益智爾雅以益母爲茺蔚其實非也

明謝肇淛
五雜組

益母草詩謂之蓷本草謂之茺蔚郭璞云葉似荏方莖白花生節間今園圃及田野多產之莖葉皆如郭說但其花色淡紅爲少異耳

八閩通志

益母草爾雅云荏蓷郭璞註曰今茺蔚也葉似荏方莖白華生節間又名益母曾子所爲見之而悲耳

汀州府誌

益母草方莖白花生節間

寧波府志

益母草苗似艾莖大葉可用治產難故名

雷州府志

茺蔚子卽益母草子

萬曆杭州府志

無物願纂

卷四十一

草屬 芫蔚

八

益母草本草作茺蔚爾雅作蕘方莖紫花可治產病

白花謂野天麻然郭璞陳藏器孫思邈皆謂紫花爲天麻白花爲益母疑一種而異色

肇慶府志

益母草方莖對節而生又名茺蔚

河間府志

益母草一名赤箭

溫州府志

益母卽本草茺蔚用治產一名返魂丹

儋州志

益母草爾雅云荏蕘郭璞註曰今茺蔚也葉似荏方莖白華生節間又名益母曾子所爲見之而悲耳

澄海志

縣志

益母主產婦小兒諸症

香山縣志

天麻生平澤似馬鞭草節節生紫花

重修清江縣志

益母草方稈節節生葉葉間開紫花

同上

鑿菜

鑿菜

鑿菜味辛平無毒主破血產後腹痛煮汁服之亦擣碎傅丁瘡生江南陰地似益母一方莖對節白花花中甜擣傅蛇咬瘡生高原如小蒜而長產後作羹食之良

唐陳藏器本草拾遺

鑿菜此卽益母之白花者乃爾雅所謂蕘是也其紫花者爾雅所謂蕘是也蕘蕘皆同一音乃一物二種故此條亦主血病與益母功同郭璞獨指白花者爲益母俗謂白花者非益母皆久詳審嫩苗可食故

謂之菜寇宗奭言茺蔚嫩苗可煮食正合此也
明李東壁

本草
綱目

馬鞭草

一名鳳頸草

本草綱目

一名鐵掃帚

藥性奇方

一名鐵

筅帚

證治準繩

馬鞭草

馬鞭草陶隱居云村墟陌甚多莖似細辛花紫色葉微似蓬蒿也唐本注云苗似狼牙及茺蔚抽三四穗紫花似車前穗類鞭鞘故名馬鞭都不似蓬蒿也今按陳藏器本草云馬鞭草主癩癬血瘕久瘡破血作煎如糖酒服若云似馬鞭鞘亦未近之其節生紫花如馬鞭節臣禹錫等謹按蜀本云味苦微寒無毒又圖經云生溼地花白色抽三四穗以七月八月採苗日乾所在皆有之藥性論云馬鞭草亦可單用味苦

有毒生擣水煎去滓成煎如飴空心酒服一十七主破腹中惡血皆下殺蟲良日華子云味辛涼無毒通月經治婦人血氣肚脹月候不勻似益母草莖圓并葉

用注本草

嘉祐補

馬鞭草舊不載所出州土今衡山廬山江淮州郡皆有之春生苗似狼牙亦類益母而莖圓高三二尺抽三四穗子七月八月採苗葉日乾用

本草圖經

馬鞭下地甚多春月生苗方莖葉似益母對生夏秋開細紫花作穗如車前穗其子如蓬蒿子而細根白

而小陶言花似蓬蒿韓言花色白蘇言莖圓皆誤矣

明李東壁本草綱目

鐵掃帚一名馬鞭草高三四尺穗如馬鞭故名江南原野處處有之七八月採苗莖曬乾

明許希周藥性奇方

馬鞭草卽鐵筅帚

明王守堂證治準繩

馬鞭草其穗類馬鞭故名

通志八閩

馬鞭草一名龍牙一名鳳頭以其節生紫花如鞭鞘狀故名春月生苗圓莖似益母草對生夏秋開細紫

花作穗

肇慶府志

馬鞭形如馬鞭故名

雷州府志

馬鞭草莖如鞭鞘隨皆有

重修靖江縣志

謹按蕙當作穗

馬鞭可治療瘡

香山縣志

馬鞭草莖似細辛花紫色葉微類蓬蒿村墟陌甚多

江陰縣志

馬鞭草苗葉類菊穗抽似鞭花開色紫

清馮兆張錦囊秘錄

馬鞭草一名龍牙草

清張璐本經逢原

鬼針草

一名鬼鍼本草拾遺

俗名己紫捏那耶山城又名己紫捏白里

後備

州又名革賴思白里

州陸奥

鬼針草

鬼針草味苦平無毒主蛇及蜘蛛咬一杵碎傳之亦杵絞汁服生池畔葉有棱方莖子作針腳著入衣如鍼北人呼爲鬼鍼唐陳藏器本草拾遺



